

**Mutnik** se spominje od XIV vijeka kada je bio u posjedu knezova Gusić-Kirjaković. Ugarski kralj **Sigismund Luksemburški**

1430. godine poklonio je kraljevski

**kastel Mutnik Jurju Turku**

. Kralj Vladislav ga je 1491. godine dao Zagrebačkoj županiji, a početkom XVI vijeka došao je u posjed Ivana Karlovića. Ovaj gajepremaugovor iz 1509. godine, u slučaju svoje smrti, ustupio Zrinskim. Nakon toga spominje se još 1522, 1526-1531, 1544, 1551. i dalje.

Turci su ga prvi put zauzeli 1553, a zatim 1577. godine. Iako je 1625. godine odlučeno da ostane pust, Turci su ga naselili 1635. godine. **General Herberstein** ga je zajedno sa obližnjim gradovima 1685. godine spalio. Pripadao je Bihačkoj kapetaniji, a ubrzo poslije 1838. je napušten, Prema podatku iz 1834. godine bio je u ruševnom stanju. Utvrđenje se sastojalo od pravilnog, skoro kvadratičnog obora i polukružne istaknute kule na sjevernom uglu. Obor je imao približne dimenzije 25 x 25 m, a vanjski promjer polukružne kule iznosio je oko 7 m. Debljina zida obora i kule bila je oko 1 m. Na južnoj i istočnoj strani zid obora je nestao. Geometrijski pravilna osnova utvrđenja je karakteristična za gradove Cazinske krajine.

Utvrda je smještena na zaravni brežuljka iznad **potoka Mutnice** uz cestu Cazin -Tržac, sjeverno od Bihaca, Sačuvani su mu oskudni ostaci. Za

**Cazinsku krajinu,**

Mutnik je važio kao vrlo malen grad, te je sačuvana u narodu pošalica u dvije varijante, "ko nije grada vidio i Mutniku se čudi", "ko nije Bišća vidio i Mutniku se čudi"

Husref Redžić

Iz knjige Srednjevjekovni gradovi u Bosni i Herecegovini  
Sarajevo publishing, Sarajevo 2009.